

միաբանութենէն և կը մեկնի 1871ին. առ. տեղապահ Տիգրանակերտի 1874ին. կը մեկնի Պոլիս. Սահմանադրութեան գործադիր Թէքիրտաղի 1877ին. Առ. Տիգրանակերտի (1879—1880). կը ձեռնադրուի եպս. և կ'երթայ Վան 1881ին. 1889ին կը վերադառնայ Ս. Յակոբի վանքը ուր կը վախճանի 1894 ին: Յիշատակ կը թողու մէկ ու կէս միթերանոց Երուսաղէմի մէջ:

Փիլիպոպոս ԵՐԷՑ ՎԱՆՑԻ.— ՄՁ. Թ. 295 ձեռագիրին մէջ ունի յիշատակագրութիւն մը որ է հետեւեալը. «Ես Վանեցի տէր Նիկողայոսի որդի Փիլիպպոս երէցս. թվ. ՌՃԼԶ (=1687) եկի ի սբ. քաղաքս և ընթերցայ զսբ. մեկնիչս Դուկաս Աւետարանչի . . .»: (Մապ. Յուց. տետր. Թ. էջ 863):

Փիլիպոպոս ԿԹՂ. ԱՂԲԱԿԵՑԻ.— (1633—1655). աշկ. Տաթեւացի Մովսէս կթղ.ի. 1652 ին ուխտաւորութեամբ կ'այցելէ Ս. Յակոբի վանքը. (ՄՁ. Թ. 567 և 1625, նաև Տաշ. Յուց. էջ 142). Փիլիպպոս կթղ. «զյատակն եկեղեցւոյ Սրբոյն Յակոբայ գեղեցկիւ յորինուածով և նկարակերտիւ յարմարութեամբ երանգ երանգ վիմօք սալայարկ արար՝ զի թէպէտ յառաջն գոյր սալ յարկ՝ այլ ոչ էր հաւասար և զիւր. այլ բարձր և ցած, անյարմար և կոպիտ՝ և զաւագ խորանի բեմն բարձրոցոյ զի յառաջն կարի ցած էր»։ (Դաւրիժեցի, ԻԵ. նաև ՄՁ. Թ. 85 և Թ. 228). կթղ.ին կ'ընկերանային հետեւեալ վարդապետները. Դաւիթ Շօշեցի, Բարսեղ Շօշեցի, Ներսէս Տաթեւացի, Առափել Շոթրեցի, Գաբրիէլ Երեւանցի, Յովսէփ Երեւանցի, Յովհաննէս Մոդկեցի, Առ. Տիգրանակերտի Յովհանն Արդևեցի, Միևա Եւրոկիացի, Առ. Գաղատիոյ, Գրիգոր Վանեցի, Աւեսիս Վանեցի, Խաչատուր Բաղիշեցի, Թորոս Կեսարացի և Նիկողայոս Կեսարացի: Սայ Ներսէս կրթ. ևս նոյն տարին Ս. Յակոբ ժամանած էր, իր հետևորդներէն կը յիշուին Խաչատուր վրդ. Առ. Բերիոյ. թեմակալ եպս.ներէն կը յիշուին Սահակ Վանայ, Մարկոս Սասնոյ, Յովհաննէս Ախնայ, Ստեփաննոս Մոկաց, Միխայէլ Բաղիշոյ, և Արսէրոս Սոյո: Երուսաղիմայ միաբաններէն, Աստուածատուր պսրփ.էն զատ կը յիշուին Խաչատուր Չեփուշեցի, Առափել Բաքերոցի, Թորոս եպս. և Ունիփոս Լեհացի, որոնք վերև յիշուածներուն հետ մասնակցեցան Փիլիպպոս կթղ.ի նախագահութեամբ գումարուած կրօնական ժողովին. մանրամասնութիւնները տեսնել (Ազգայն. էջ